

COV LUS PHEEJ IB SIJ NUG TXOG KEV KOV DEJ THIAB KEV NOJ NTSES

Hauv tus dej Starkweather Creek thiab lub pas dej Lake Monona



PFAS YOG DAB TSI?

Perfluoroalkyl thiab polyfluoroalkyl (PFAS) yog ib cov tshuaj khes mis (chemicals) ntau neeg tsim tau los ua kom hluav taws tsis kub, thiab ua roj tsis lo, tsis khub, tsis ntub roj, thiab dej. PFAS muaj tau nyob rau cov npuas tshuaj tua hluav taws, cov twj taig ua noj tsis khub, cov khaub ncaws thiab cov khau tsis nkag dej, cov ntawv qhwv khoom noj, thiab nyob rau ntau yam khoom siv.

Cov khes mis (chemicals) no tsis yaj ploj mus yooj yim thiab muaj nyob rau peb tej huab cua, av, thiab dej. Cov khes mis (chemicals) PFAS muaj 99% nyob rau tib neeg cov ntshav.

Muaj qhov kev tshawb fawb pom tias qee hom ntawm cov PFAS ua tau tsis zoo rau kev kawm, kev loj hlob, thiab ua rau cov me nyuam mos thiab cov me nyuam yaus coj cwj pwm tsis zoo; ua rau cev xeeb tub nyuab; ua phem rau neeg cov hoo moos (hormones); ua rau roj ntshav (cholesterol)nce siab tuaj; ua rau lub cev tiv thaiv kab mob tsis zoo; thiab muaj mob tau khees xaws (cancer) tuaj.

PFAS yog ib cov khes mis (chemicals) pom muaj nyob hauv tus dej Starkweather Creek thiab lub pas dej Lake Monona. Hauv qab no yog cov lus teb rau cov lus nug txog PFAS nyob rau cheeb tsam no.

COV LUS PHEEJ IB SIJ NUG

Kuv puas da tau dej thiab kwm tus dej Starkweather Creek thiab lub pas dej Lake Monona?

Tau. Nws yog ib qho cov PFAS tsis lam ntub tshab koj cov tawv nqaij. Ntxuav koj txhais tes thiab da dej yaug tom qab da dej los sis kwm dej kom koj txhob lam nqos dej yuam kev.

Kuv tus tsiaj puas ua si tau hauv cov dej ntawm tus dej Starkweather Creek thiab lub pas dej Lake Monona?

Peb tsis pom zoo nws da. Cov tsiaj tej zaum lam haus tau cov dej, uas tsis huv rau haus. Yog tias koj tus tsiaj kov dej los sis cov npuas dej, muab dej yaug tom qab ntawd kom lawv txhob yaim tau cov PFAS lo rau ntawm lawv tej plaub.

Kuv puas kov tau cov npuas PFAS?

Tsis tau, cov npuas PFAS muaj raws tej ntug suab puam thiab tej ntug dej. Nws ua kua nyeem heev, qhov zoo tshaj ces tib neeg thiab tsiaj txhob kov. Yog tias koj kov, ntxuav koj tus kheej los sis tus tsiaj sai li sai tau kom txhob nqos tau. Cov npuas PFAS sau ua tej pawg dawb paug thiab zoo li cov npuas chais fwj txwv.

COV LUS PHEEJ IB SIJ NUG (ntxiv mus)

PFAS thiab PFOS Qhov sib txawv yog li cas?

PFAS yog hais txog ib cov khes mis (chemicals). PFOS yog ib hom khes mis (chemical) nyob rau hauv cov nov uas sib sau zwm rau hauv tus ntses cov nqaij thiab daim siab ntau dua cov PFAS.

Puas yog muaj PFOS nyob hauv cov ntses ntawm tus dej Starkweather Creek thiab lub pas dej Lake Monona?

Yog. Wisconsin DNR tau muab cov ntses hauv tus dej Starkweather Creek thiab lub pas dej Lake Monona nyob rau lub caij ntuj sov thiab caij nplooj zeeg xyoo 2019. Hauv cov ntses kuaj tau muaj PFOS. Koj mus saib tau ntxiv hais txog qhov kuaj ntses nyob rau hauv DNR lub website (bit.ly/fishsampling).

Kuv noj puas tau cov ntses hauv tus dej Starkweather Creek thiab lub pas dej Lake Monona?

Peb xav kom koj ua raws li DNR cov lus qhia txog kev noj ntses, nws qhia hais tias tib neeg noj tau cov ntses bluegill ib pluag tauj ib vasthiv thiab noj tau lwm hom ntses ib pluag tauj ib hlis. Saib cov lus qhia txog lwm tus dej hauv Dane uas mus saib rau bit.ly/dnrfishadvisory.







Vim li cas nws thiaj siv caij ntev kuaj cov ntses rau cov PFAS?

Lub Xeev Qhov Chaw Kuaj (State Lab of Hygiene) muaj ib lub tshuab kuaj PFAS xwb, thiab nws yog ib qho siv dag zog sij hawm kuaj. Vim tias thoob plaws lub xeev no xav paub heev txog qhov kuaj PFAS, qhov chaw kuaj (lab) muaj ntau yam los kuaj, tshwj xeeb yog kuaj cov dej haus thiab cov dej hauv nruab tiv. Muaj ntau yam los kuaj ntxiv nraug rau qhov siv caij nyoog ntev thiaj li siv ntau lub hlis mam kuaj tau.

Kuv yuav mus kawm tau ntxiv hais txog PFAS qhov twg?

Mus saib ntxiv hauv publichealthmdc.com/pfas muaj ntaub ntawv, kev pab cuam, thiab txuas rau cov chaw hauj lwm sib koom ua.

COV NTSES HAUV TUS DEJ STARKWEATHER CREEK THIAB LUB PAS DEJ LAKE MONONA

Noj ib zaug tauj ib vasthiv:	Noj ib zaug tauj ib hlis:	 LARGEMOUTH BASS	 CARP*
 BLUEGILL	 YELLOW PERCH	 NORTHERN PIKE	 WALLEYE

<https://dnr.wi.gov/topic/fishing/consumption>